



Inatsisartuni ilaasortaq Ane Hansen
/MAANI

**Saarullittassat agguanneqarnerat pillugu Naalakkersuisunut § 36, imm.1
malillugu apeqqtinut akissut.**

Avataasiorluni saarullinniarnermi pisassiissutit agguanneqartarnerat pillugu apeqqtinnut qujanaq. 2008-mi saarullittassat agguanneqarnerat pillugu apeqqtitit Naalakkersuisut sinnerlugit matumuuna akissuteqarfigissavakka.

01.28/2008-58
23. juni 2008
Postboks 269
3900 Nuuk
Oq/tel +299 34 50 00
Fax +299 32 47 04
aapip@gh.gl
www.nanoq.gl

Apeqqt 1

***Naalakkersuisut pisassanik agguaneranni takuneqarsinnaavoq
suliffeqarfinnut nutaanut pisassiisimasut.***

***Suliffeqarfinnut nutaanut pisassiinerit tunngaveqarpat saarullittassat
pisassaritinneqartut aalisariutaatileqatigiinnit pioreersunit
aalisarneqarsinnaanngimmata kiisalu aalisariutaatikippallaarmata
pisassiissutit pisarinissaannut?***

Tunngavissat Aalisarnej pillugu inatsimmi § 6-imi takuneqarsinnaasut saniatigut tunngaviit arlallit pisassiisarnermut tunngaviupput.

7. maj 2008-mi ilinnut akissutinni, j. nr 01.28/2008-47, takuneqarsinnaasutut pisassiisarnermut makkua tunngaviupput.

- Aallaqqaammut pisassat agguanneqartarput aalisariutaatilinnut ukiuni siusinnerusuni taamaaqataanik pisassaqsimasunut.

- Pisassiissutit sinneqarpata, pisassiissutit siullermik aalisariutaatilinnut pioreersunut allanut amerlanerusunik pisassaqtartariaqarsinnaasunut agguanneqartarput.
- Matuma siuliiniittut naapertorlugit pisassanik agguanerme pisassat nalingat aallaavigineqartarpoq siullertut aalisariutaatileqatigiit napasinnaasut aningaasatigut qulakkeernissaat kiisalu nalillit aalisariutaatilinni pioreersunik naligiinnerusumik agguarnissaat.
- Pisassanik tunineqarneq ajorput aalisariutaatileqatigiit nutaaviit ukiumut ilivitsumut napasinnaasumik aalisarnissaat qulakkeerneqarsinnaanngippat.

Siuliini taaneqartut agguaanissamut politikikkut pingaarnersiutinissamut periarfissiipput. Aalisarneq pillugu inatsimmi anguniakkatut aalajangersakkat innersuussutigalugit Naalakkersuisut pingaarnertittuarsinnaavaat suliassaqtartsinermi mianerisariaqartut kiisalu nunap immikkoortuini inuutissarsiornermilu mianerisariaqartut.

2008-mut tunngatillugu Tunumi inuussutissarsiornerup nunap immikkortuani ineriartortitsinissaq immikkut pingaartinneqarsimavoq. Tamanna tunngavigalugu selskabit marluk neriorsorneqarsimapput piumasaralugu Aalisarneq pillugu inatsimmi piumasaasut atugassarititaasullu saniatigut selskabit Tunumi ilinniarnermut suliassaqtartsinermilu periarfissat pilersissagaat. Taamatut suliniarnermi Tunumi ungasinnerusoq isigalugu aalisarnerup inuussutissarsiornerullu nalinginnaasup ineriartortinniarnissaat anguniagaavoq.

7. maj 2007-imi akissutigisimasattuut erseqqissaqqikkusuppara tunngavissatut ilitsersuutaasut pineqarmata qinnuteqartup pilersaarutitut nassiussaanut Aalisarnermullu inatsimmi anguniakkatut aalajangersakkanut naapertuussarneqartussat.

Tamatuma saniatigut oqaatigiumavara Naalakkersuisut isumaqarmata inuiaqatigiit isumalluutaat selskabinut ikittunut katersorneqassanngitsut. 7. maj 2008-mi akissutinni oqaatigisimasattut ullumikkut kilisaatit nutaaliaasut marluk ima angitigisinnaasut imalu aalisarsinnaatigalutik kisimiillutik

avataasiorluni saarullinniarnermi TAC nungullugu aalisarsinnaallugu. Naalackersuisut aalisarneq taamaattoq kissaatiginngilaat, tassami ingerlatseqataasut minnerusut pilernissaminnut periarfissaqartariaqarmata.

Tassalu selskabinut nutaanut pisassiinermut **patsisaanngilaq** selskabit pioreersut naammattumik aalisarsinnaassuseqanngimmata.

Apeqqut 2

Taamaattoqarsimangippat Naalackersuisut qinnuigissavakka sukumiisumik nassuiaasioqqullugit suut toqqammaviit atorlugit kiisalu allaffissornikkut pissuseritinneqartut atorlugit agguaasoqarsimanersoq, naatsorsuutigaarami inatsit saniatigut saarullinniarnermut akuersissutinik tunniussinermut atatillugu Naalackersuisut allanit najoqqutaqarsimassasut.

Apeqqut 1-imut akissut innersuunneqarpoq. Taaneqareersutut inerniliineq pineqanngilaq, tassa suliap sularineqarnerani aqutsinermi naliliinissaq inissaqartinneqarpoq.

Taamaattoq pisassiissutinik agguaassinermi suleriaaseq qanoq innersoq ilanngukkusuppara.

Ukiumoortumik pisassanik allamut tunineqarsinnaanngitsunik tunisinermi suleriaaseq imaappoq.

Qinnuteqartut qinnuteqaatitik pilersaarummullu nassuiaatitik nassiuatissavaat pisassinneqarnissartik siunertaralugu. Tamatuma kingornatigut qinnuteqaatit katersorneqassapput TAC-mullu aalajangikkamut sanilliullugit nalilerneqassallutik apeqqummi tunngavissatut ilitsersuutit ilanngullugit.

Aalisarnermut, Piniarnermut Nunalerinermullu Naalackersuisoqarfik isumaqarpat pilersaarut pisassissallugu patsisissaqartoq kiisalu pisassiisarnermut tunngaviit qulaani taaneqartut aallaavigalugittamanna Naalackersuisunut inassutigineqassaaq.

Tamatuma kingorna Naalackersuisut aalajangiissapput, immaqa ilassutissatik allannguutillu ilanngullugit. Tamanna patsisaalluni ukiup ingerlanerani pisassiisoqarsinnaanngilaq. Taamatut suleriaaseqarnermi oqimaaqatigiissaarniarneqarput naligiinnissaq, aammalu uumasut nungusannginnissaat politikikkullu anguniakkat allat.

Apeqqu 3

Sanilliuksiniarnermut atatillugu Naalackersuisut aamma qinnuigissavakkat raajarniarnermi akuersissutinik tunniussisoqarnerani pisassiisoqarneranilu suut toqqammavigalugit kiisalu allaffissornikkut periutsit qanoq ittut atorineqartarnersut nassuiaaqqullugit.

Raajarniarnerup ilisarnaatigaa piffissaligaanngitsunik tunineqarsinnaasunillu pisassiisoqartarnera. Tamanna imatut paasisariaqarpoq avataasiortuni sinerissallu qanittuani pisassanit tamarmiusunit nalunaarutigineqartut aalisarneqarsinnaasut. Pisassiissutinit pissarseqataassutit aallaqqaammit pisassiissutinit pointit tunngavigalugit tunniunneqartaraluarput. Raajarniarnermi pisassaqaqataassutit atulerneratigut raajanik pisassat pigineqartarnerat annertuumik allanngorsimavoq, piginneqqaartup pisassani selskabinut pioreersunut imaluunniit selskabinut nutaanut pisassanik pisinermik tunngaveqartunut tunisalmagit. Soorlu Naalackersuisut pisassanik tunineqarneq ajortut, taamaallaalli TAC aalajangertarlugit. Taamaattumik raajarniarneq aamma soorlu avataasiortuani qaleralinniarnaq saarullinniarnarluni raajarniarnermit allaalluinnartut imminnut sanilliunneqarsinnaanngillat.

Apeqqu 4

Ingerlatseqatigiiffik nunaqavissunit pigineqaraluarluni ingerlatseqatigiiffiup pigisai tamangajammik nunami allami peqataasumit pigineqarpata Naalackersuisunit igineqarpa ingerlatseqatigiiffittut nunaqavissutut? Taamatut aaqqissuussineq ulluinnarni pineqartarpoq piginnittuussarnermik, ingerlatseqatigiiffiup pigisai nunanit allameersumit pigineqarmata.

Selskabi nunatsinneersunit pigineqartoq tassaatinneqartarpoq Aalisarnermut inatsimmi § 6, imm. 4, nr. 2 malillugu selskabip nammineq aningaasaataasa 2/3-ii pigineqartut inunnit aalisarnermut inatsimmi inuiaqatigiinnut kalaallinut atasuunissamik piumasaasunik naammassinnittut. Inuiaqatigiinnut atasuunissamik piumasat aalisarnermut inatsimmi takuneqarsinnaasut tassaapput:

- 1) Inuit inuiaqatigiinnut kalaallinut aalajangersimasumik atasuussapput
- 2) Inuit Kalaallit Nunaanni inuit allattorsimaffianni najugaqartutut nalunaarsorneqarsimassapput ukiunilu siuliini marlunni taamaassimassallutik
- 3) Inuit Kalaallit Nunaanni tamakkiisumik akileraartussaataaassapput qaammatisiutillu ukiuni marlunni kingullerni taamaassimassallutik
- 4) Inuit qaammatisiutit ukiuni kingullerni marlunni aalisarnermik inuutissarsiuteqarsimassapput, qinikkatullu sulinerminnit isertitaat ilanngaatigereerlugit minnerpaamik isertitaasa 50%-ii aalisarnermeersuussallutik. Aalisarnermik inuutissarsiuteqartutut sulineq naligitinneqarpoq piniartuunermet, savaateqarnermet, tuttuuteqarnermet assigisaannullu.

Atasuunissamut piumasaasut aalisarnermut inatsimmi § 6, imm.3,nr. 1 -4-mi takuneqarsinnaasut pingaarnertut anguniagaraat qulakkeerumallugu inuussutissarsiutigalugu aalisarneq, piniarneq aallaaniarnerlu kalaallit imartaanni kalaallit pigissagaat.

Matuma siuliini takuneqarsinnaasutut selskabip nunani allani bankinit taarsigassarsinera selskabip nunatsinneersuunerata nalilernerani naatsorsuutigineqassanngilaq. Naalakkersuisulli ilisimalluarpaat aalajangersagaq taanna saneqqunneqarsinnaasoq. Tamanna allanngortinneqassasoq Naalakkersuisut siunnersuutigaat aalisarneq pillugu inatsisaannut allannguutissami nutaami. Aalisarneq pillugu inatsimmut nutaamut siunnersuutikkut siunniunneqarpoq aktianut piginneqataassutsinullu piginnittuunerup saniatigut selskabip aningaasaqarneranut tunngasut allat ilanngunneqarsinnaasut selskabip nunatsinneernerata naliliiffiginerani.

Apeqqut 5

Imaannerpa ingerlatseqatigiiffeqartoq ataatsimik arlalinnilluunniit 2008 saarullittarsinneqarsimasunik taamatut aaqqissuussinikkut pigineqartunit ingerlanneqartunillu?

7. maj 2008-mi akissummi nalunaarfigereennittut selskabit Aalisarnermut inatsimmi § 6-imi piumasaasunik naammassinnittut kisimik akuersissummik tunineqartarput. Taamaattumik aalisarnermut naalackersuisoqarfimmut uppersarneqarsimassaaq akuerineqarnissamut piumasaasut atugassarititaasullu naammassineqarsimasut. Akerlianilli pingaaruteqanngilaq selskabi nunanit allanit taarsigassarsianik isumalluuteqarnersoq, aamma aalisarnermut inatsit atuuttoq malillugu nunani allani suleqatit ilanngunnissaannut eqaatsunik periarfissaqarpoq.

Apeqqu 6

2008-mi avataani saarullinniarnissamut akuersissutinik umiarsuaatileqatigiit qassit tunineqarsinnaanersut pillugit Naalackersuisut tullerriaartumik nalunaarsuusianik takussutissanik qinnuigineqarput. Takutitassiami aalasariutaatileqatigiit aqqi, aalisariutit qanoq ittut qanorlu angitiginersut kiisalu pisassiissutit annertussusaat.

Matuma kinguliini skema kissaatigineqartoq ippoq. Kisianni angallatit ilaasa saarullit saniatigut pisassat allat ilanngussimasinnaavaat, soorlu qalerallit, suluppaakkat il.il.

Aalisariutaatillit	Pisassat amerlassusiat	Angallatip suunera
Royal Greenland A/S	1.000	Stern fabrikstrawler NT 712/BT 2.373
Sigguk Grl A/S	1.000	Fabrikstrawler NT 757/BT 2.525
Saattuaq A/S	1.000	Stern fabrikstrawler NT 747/BT 2.490
Qaleralik A/S	1.500	Stern fabrikstrawler NT 682/BT 1.932
Artic Prime	1.500	Stern fabrikstrawler NT

Fisheries ("Haki")		556/BT 1.856
North Greenland Seafood	1.000	Suli aalajangerneqanngilaq
Tunami Tsuuddii	1.200	Suli aalajangerneqanngilaq
Arctic Prime Fisheries (Kuummiut)	1.200	MS Prime Tasiilaq (Froya) sunarpiaanera nalunaagaanngilaq
East Greenland Codfish	1.000	Trawler Purse Seine NT 551/BT 1.666

Apeqqut 7

Kikkut aamma qanoq amerlatigisut aalisariutaatileqatigiit 2008-mut saarullittassanik qinnuteqarsimagaluarpat? Akissut tullerriaartumik nalunaarsuusiaralugu takussutissiareqquneqarpoq.

Taamaallaat paasiumaneqarmat qanoq amerlatigisut kikkullu qinnuteqarsimanersut akissut naatsukullakkaarlugu nalunaarsugaavoq.

- Royal Greenland A/S
- Sigguk Grl A/S
- Saattuaq A/S
- Qaleralik A/S
- Arctic Prime Fisheries ("Haki")
- North Greenland Seafood
- Tunumi Tsuuddi (pilersaarutit marluk allaaseralugit nassiuppai)
- Arctic Prime Fisheries (Kuummiut)
- East Greenland Codfish
- Niisa Trawl A/S
- Larseraq Jessen (tunuartinneqarpoq)
- Sikuaq Trawl A/S
- Jens Sandgreen
- Kuummiut Trawl A/S
- Royal Greenland – Ice Trawl
- Royal Greenland (ningittagarsuummik)

- Royal Greenland (atorlugit angallatit Akamalik, Qaqqatsiaq aamma Tasermiut)
- Nusuka (Arctic Prime Fisheries sinnerlugu)
- Brd. Lyberth A/S
- Appaliarsuk Aps
- Sv. E. Sønderstrup
- Angunnguaq A/S

Apeqqut 8

Greenland Venture ingerlatseqatigiiffinni saarullittassinneqarsimasuni ilaava?

- a. aamma qanoq annertutigisumik (peqataatinneqarpa).***
- b. Greenland Venturip peqataanera aningaasaateqarfiup pilersinneqarnerani siunertaasunut naalackersuinikkullu kissaatigisanutnaleqquttut tulluartsutullu Naalackersuisunit isumaqarfigineqarpa?***
- c. Taamaattoqassappat nassuiaqquneqarpoq Naalackersuisut isumaat naapertorlugu taamatut peqataatitsineq Greenland Venturip siunertaanut naapertuuttuunersoq. Tamanna malillugu ineriartortinniarneqartunut tunngavigineqartut imaammata:***
 - ***Inuutissarsiorneq arlalinnik periarfissalik***
 - ***Annertusaanermut periarfissalik***
 - ***Aningaasatigut ingerlalluortoq***

Greenland Venture A/S Tunumi Tsuuddii's-ip suliniutinut pilersaarutaani toqqaannartumik taaneqarpoq. Tunumi Tsuuddisimi Greenland Venturip piginneqataassutigaa selskabip nammineq aningaasaataasa 49%-iat. Matuma kinguliini Greenland Venture pillugu sukumiinerusumik nassuiaatigineqartoq malillugu Greenland Venture selskabini aalisarnermut tunngasuni peqataassuteqarpoq (Arctic Green Food A/S).

Salliuillugu Greenland Venture A/S aktieselskabiuvoq oqaatigineqartut aningaasaateqarfiunani. Greenland Venture A/S-ip siunertaa

pilersinneqarneranullu tunngaviusoq selskabip malittarisassai naapertorlugit tassaavoq:

”Niuernermi tunngavissat tunngavigalugit suliffeqarfiit ineriartornissamut pitsaasunik periarfissallit aningaasaliiffigineqarnissamillu pisariaqartitsisut aningaasaliiffigalugillu siunnersussallugit taakkua periarfissaat iluaqutigiumallugit piviusunngortikkumallugillu kiisalu aaqqissuussinerit pilersaarusiornermilu suleqatigiinnerit atuuttut aggersullu aaqqissuussinerit ataasiakkaat siunertaat naapertorlugit ingerlateqqittassallugit.”

Greenland Venturip 2007-imi ukiumoortumik nalunaarusiaa naapertorlugu suliffeqarfinni suleqatigisani selskabip aningaasatigut piginneqataassutai imaapput:

Aqqa	Piginneqataassut procentinngorlugu
Pisiffik A/S	28,41%
Greenland Resources A/S	20,62%
Sisak Teknik A/S	20,86%
InuitCOM ApS	43,86%
GR Entreprenøren ApS	46,67%
Greenland Brewhouse ApS	49,50%
Sisimiut VVS Teknik ApS	47,61%
Greenland Lipid Solutions A/S	40,00%
Rodebay Fish ApS	24,75%
Arctic Green Food A/S	49,00%
Ejendomsselsabet af 2007 A/S	34,78%
Saffiuut Nuuk ApS	49,00%
NTC, ApS	45,00%
Katak ApS	40,00%
Tupilak ApS	49,66%
MDC Data Greenland ApS	32,99%

Naalakkersuisut Greenland Venture A/S-ip selskabini siuliini taaneqartuni peqataanera selskabip malittarisassaani anguniakkanut naapertuulluinnartutut isigaat. Greenland Venture A/S-ip aningaasaliisarnera ingerlatsivinnut assigiinngitsorpassuarnut tunngavoq, taamalu inuiaqatigiinni kalaallini tamani suliffeqarfiit nukittorsarlugit. Tunngaviusoq tassaavoq ingerlatat ineriartortut akilersinnaasut aningaasaliiffigisarnerat avammut nioqquteqarnikkut imaluunniit avataanit

piasiat ikilisarneratigut toqqaannartumik toqqaannanngitsumilluunniit naleqarnerulersitsisuusut. Kiisalu Greenland Venture A/S-ip peqataanerata kinguneraa suliffeqarfinnut peqatigisanut aningaasaliisarnerit aqutugalugit aningaasaleeriaatsip pitsaanerulersinnera.

Apeqqut 9

Naalackersuisut isumaqarpat saarullittassat pisarineqarsinnaasut aalisartitseqatigiit nunatsinneersut nammineerlutik pisarisinnaanngikkaat?

Apeqqummut 2-mut akissut, apeqqut 6-imi pisaqarsinnaassutsip naatsorsornera kiisalu apeqqut 7-imi qinnuteqartut amerlassusiat innersuussutugalugit Naalackersuisut isumaqarluinnarput nunatsinni aalisariutit maannakkut Kalaallit Nunaanni saarullittassat tamackersinnaagaat.

Kisiannili nunanut allanut isumaqatigiissutit malillugit Kalaallit Nunaat nunanut allanut pisassiisussaataavoq. Tamatuma saniatigut Kalaallit Nunaat EU-p aalisariutaanut pisassiisussaavoq EU toqqaannartumik akiliisillugu aamma peqatigiinnissaq pillugu isumaqatigiissutip ataani.

Ikinngutinnersumik inuulluaquillunga

Apeqqut 10

Naalackersuisunit ilisimatitissutigeqquneqarpoq soq Tunumi Tsuuddi A/S ingerlatseqatigiiffittut aktieselskabitut Naalackersuisunit isiginiarneqarsinnaanersoq. Paasissutissat pissarsiarineqarsinnaasut tunngavigalugit suliluunniit CVR-imi pilersinneqarsimannngitsutut takuneqarsinnaanngimmat?

Illumoorpoq Tunumi Tsuuddii qinnuteqarnerup nalaani ingerlatseqatigiiffittut aktieselskabitut pilersinneqarsimannngimmat. Taamaakkaluartoq Tunumi Tsuuddiip ingerlatseqatigiiffiup pilersinneqalerneranut taassumalu pilersinnissaanut akiliutissat akilernerqarsimaneranut kiisalu inuit kikkut qanorlu annertutigisumik piginneqataaneranut uppersaatit nassiussimavai. Paasissutissat taakku aammalu piginneqatigiiffiup pilersinneqarneranut tunngasut aalisarsinnaanermut akuersissummik

pissarsinissamut piumasaqaatinut soorunami ilaatinneqassapput, tassami pisassiinermi qinnuteqaat tunngavigineqartussaammat Naalackersuisut pisassiissutininik neriorsuisimapput. Pisassiissutininik tunineqarnissamik neriorsuinerup kingorna aalisarsinnaanermut akuersissummik tunniussisoqalerpat piumasaqaatit atugassarititaasullu tamarmik naammassineqareersimasariaqarput tassunga ilanngullugit qinnuteqartumut tunngatillugu tunngavissat tamarmik.

Apeqquut 11

Qanoq Tunumi Tsuuddii A/S pisassinneqarsinnaava umiarsuaateqanngikkaluarluniluuniit?

Aalisariutaatileqatigiit pioreersut pisassat ilaannik kisimik tunineqartassanngippata Naalackersuisut pisassanik tunniussisinnaapput qinnuteqaammi pissutsit taaneqartut qinnuteqarnermi naammassineqarsimagaangata. Tassunga pissutaasut ilagisinnaavaat piffissaliusseq, kisiannili pingaernerusumik aalisariutaatileqatigiinnik pilersitsinermi aningaasartuutit, tassunga ilanngullugu aalisariummik pisineq, piginneqatigiiffiup pilersinneranut akiliutit il.il. inunnit ataasiakkaanit sinerissap qanittuani aalisarnerminni isertittagaat kisiat tunngavigalugit piviusunngortinneqarsinnaanngitsut. Naalackersuisut ilaatigooriarlutik akuersissuteqaraanngata pissutigineqartarpoq kalaallit aalisartuisa aalisakkatigut pisassiissutininik aamma pisassinneqarnissaat aalisariutaatillit anginerit kisimik pinnatik.

Tamatuma saniatigut pissusissamisoorpoq kalaallit aalisariutaatileqatigiiffii nutaat aalisalernissaat Naalackersuisunit kissaatigineqaraangat pisassiissutit angallatip annertussusaanut naapertuuttumik tunniuneqartarnissaat. Pisassiissutininik tunniussisoqassatillugu Naalackersuisut soqutigisat assigiinngitsut isiginiartarpaat. Taamaattumik pisassiissutininik tunniussinissamik suliap ingerlanerata naggataata missaani aalisariutaatileqatigiinnut pisassiissutigineqartut annertussusissaat apeqquuserneqarsinnaasarpoq. Tamatuma malitsigisaanik pissusissamisuusaaq aalisariutaatileqatigiit umiarsuaq pisiassartik pillugu atsiortarpata aalisarnerminni aningaasatigut tunngavissatik aatsaat paasereeraangamikku.

Spørgsmål 12

“Ingerlatseqatigiiffik ammanngitsoq” Aps KBUS 38 nr. 3117 nalunaarsorneqarsimavoq North Greenland Seafood Aps-mik pilersitsisutut. Aps KBUS 38 nr. 3117-mi inuit kikkut tunuliaqutaanersut kiisalu Kalaallit Nunaannut attuumassuteqarnersut Naalakkersuisut qinnuigineqarput allaqqullugit nalunaarsuutigeqqullugillu.

Ingerlatseqatigiiffiup North Greenland Seafood ApS-ip malittarisassai piginneqataasullu aqqisa allattorsimmafiat Naalakkersuisunit tiguneqarnikuupput. Tamatuma saniatigut ingerlatseqatigiiffik North Greenland Seafood pillugu nalunaarusiaq pissarsiarineqarnikuuvoq, ingerlatseqatigiiffillu qallunaat advokatfirma-nit pilersinneqarsimavoq taassumalu suliassaasa ilagisarsimavaat ingerlatseqtigiiffinnik pilersitsineq. Taamaattumik Aps KBUS nr. 3117-imi inuit tunuliaqutaasut pisassiinissaq eqqarsaatigalugu kikkuneri pingaernerunngillat. Tassanimi pineqarmat ingerlatseqatigiiffik pilersinneqareersimasoq North Greenland Seafood-imi pilersitsisut pigilersimasaat. Pissutsimmi imaapput advokatselskabit revisionselskabillu, sullissamik piffissaajaatiginnginniassammassuk, ingerlatseqatigiiffinnik pilersitsinerit isumagisarmassuk ingerlatseqatigiiffiit suliaanut attuumassuteqanngikkaluarlutik. Ingerlatseqatigiiffimmik aallartitsiniartoq aallartitassamut akiliutissaq akilertarpaa gebyr ilanngullugu, taamaasigaangallu ingerlaannaq inatsisitigut tunngavissalimmik ingerlatseqatigiiffimmut piginnittunngortarluni. Taamak pisoqaraanngat aallartitsiniartut allaffissornikkut suliassat utaqqinissaraluarlu pinngitsoortarpaat, taamatummi pilersitsinerit inatsisitigut suliassartaqangaatsiartarmata.

Apeqqut 13

Ilinniartitaanermut aamma suliffissaqartitsinermut atatillugu ingerlatseqatigiiffiit taakku marluusut naammaginartumik tunniussisinnaanersut pillugit Naalakkersuisut piffissamik killiliippat aamma sunik aalajangersimasunik suliniuteqarnissamik piumasqaateqarpat?

Pisassiissutit piffissalersugaasarput uanilu pineqartumi ukiukkaartumik tunniunneqartarlutik. Tamatuma saniatigut ingerlatseqatigiiffiit Namminersornerullutik Oqartussallu akornanni attaveqatigiinnerit ataavartumik pisarput. Atugassarititaasut piunasaqaatillu naammassineqarsimangitsutut Namminersornerullutik Oqartussanit nalilerneqartillugit soorunami 2009-mut tunngatillugu pisassanik agguassinermi tamakku nalilersuinermi aallaavigineqartarput. Pilersaarutit allaaserineqarsimasut piviusunngorsinnaajunnaartutut siusinaartumik Namminersornerullutik Oqartussanit paasineqaraangata periarfissaqartarpoq aalajangersimasat allanngortissallugit. Tamanna pisarpoq Aalisarnermi Inatsimmi piunasaqaatit naammassineqarsimatinnagit aammalu qinnuteqartumut pisassiissutissiissutigineqartut tamakkiisuunngikkaangata.

Apeqqut 14

Naalackersuisut qinnuigissavakka allakkiap suliffeqartitsiniarnermik ilinniartitsinissamillu piunasaqaatitaqartumik imallit imaluunniit ilaanik nuutinnerinik imaqartumik nassiusseqqullugit, piunasaqaatit qanoq piviusunngortinniarneqarneranik qulakkeerinnittumik.

Arctic Prime Fisheries A/S-imut aamma Tunumi Tsuuddii-mut tunngatillugu pilersaarutit piviusunngortinnissaanut eqqarsaatit pillugit paasissutissat arlalissuit pigineqarput. Massakkut Arctic Prime Fisheries A/S kalaallinut soqutiginnissinnaasunut saaffigineqattaarpoq. Taamaattumik Naalackersuisut kissaatigaat saaffiginninnerit taakku inernerit utaqqimaarallarneqarnissaat suliffissaqartitsiniarnikkut sunniutissaasa nalilersornissai eqqarsaatigalugit. Tamatuma saniatigut ingerlatseqatigiiffiup, Maniitsumi ATI-p kiisalu Paamiuni Imarsiornermut ilinniartuup akornanni ataqatigiissaarisooqartariaqarpoq. Naalackersuisut ingerlatseqatigiiffiup qinnuteqaqqaarnerminit ineriartornera malinnaaffigeqqissaarpat, massakkuugallartorlu erseqqinnerusumik akissuteqarfigisinnaanagu pilersaarut suliffissanik ilinnialerfissanillu qassinik pilersitsisinnaasanersoq.

Apeqqut 15

Kalaallit Nunaanni aalisartooreersut ukiorpassuarnilu nunatsinni aningaasarsiornikkut pingaarnertut napatitsisuusimasut siunissami qanoq atugassaqartinneqarnissaat Naalakkersuisunit takorloorneqarpa?, tassami Naalakkersuisut Aningaasaqarnikkut ingerlatsineq pillugu nalunaarut 2008-mi nalunaarutigimmassuk ineriartortitsiniarneq ilumoorullugu, tassa kalaallit aalisartui aalisarnermiit nunami aatsitassarsiornermut nussorneqassasut.

7. maj 2008-imi akissutinni aammalu apeqqutigisannut tunngatillugu pingaaruteqarmat atuarneqarsinnaasutut Naalakkersuisut kissaatigaat aalisarnerit patajaatsumik ingerlanneqartarnissaat, aalisariutaatileqatigiinnit ataasiakkaanit kisimi peqataaffigineqanngitsoq. Soorunalumi aalisartut namminneq aatsitassarsiornermut aningaasarsiorfiulluartumut nuunniassappata akornuserniangilara. Tamannali patajaatsumik ingerlanneqartariaqarpoq aatsitassarsiornikkut ingerlatat suliffissanik pilersitsiviugaangata inuit nukissallit ilinniarteqqittarnerisigut.

Inussiarnersumik inuulluaqqusillunga

Finn Karlsen

Aalisarnermut, Piniarnermut Nunalerinermullu Naalakkersuisoq